

四庫全書

子部

欽定四庫全書

子部

古今事文類聚遺集卷七

詳校官中書臣沈颺

侍讀臣孫球覆勘

總校官編修臣王燕緒

校對官中書臣王家賓

謄錄監生臣徐錫福

欽定四庫全書

古今事文類聚遺集卷七

元富大用撰

省屬部遺

給事中

此下補新集
省屬之後

歷代沿革秦加官漢因之所加或大夫博士議郎掌左
右顧問應對位次中常侍侍中黃門諸給事中日上
朝謁平尚書奏事分為左右曹以有事殿中故曰給

事中多名儒國親為之東漢省漢復置或為加官或為正員晉無加官亦無常員在散騎常侍下給事黃門上武冠絳朝服宋齊隸集書省梁陳亦掌獻納省諸奏聞後魏無員北齊亦屬集書省凡六十人後周天官之屬有給事中士六十人掌理六經給事左右隋初無開皇六年始於吏部置給事郎煬帝移為門下之職位次黃門置員四人以省讀奏案唐改給事郎為給事中前代雖有給事中之名非今任也今之

給事中蓋因秦之名用隋之職通典龍朔改門下省曰

東臺

東臺舍人

垂拱改曰鸞臺開元曰黃門省天宋淳化

四年以右諫議大夫魏庠知制誥柴成務同知給事

中事凡制勅有所不便宜準故事封駁九年詔停廢

知給事封駁公事自是始以封駁司隸銀臺會要元豐

五年四月知諫院舒亶試給事中自是給事始正除

為職事官

續會要

故事中書進熟進草惟執政書押官

制行給事中獨書畫黃而不得書草舒亶疑之神宗

云造令行令職宜分別詔給事中許書畫黃不書草
著為令元祐元年門下中書言後省修成所有省曹
寺監條貫合冠以門下中書後省為名從之紹聖四
年葉祖洽言兩省置給舍廟堂設施得以更相驗令
使舍人兼封駁則給事職廢詔特旨書讀不回避餘
令互書元符三年曹肇言門下駁正中書違失近給
事封駁中書錄黃令舍人書讀隳壞官制宣和元年
張叔夜言命令之出中書宣奉門下審讀尚書頒行

而密院被旨亦錄付門下省神宗制也今急速文字

不經三省諸房以空黃先次書讀則審讀殆成虛設

乞立法禁從之

續會要

建炎間因舊制置門下後省以

給事中為長官四員為額

中興會要

紹興二年韓世忠賞

功文字給事中賈安宅除工部侍郎門下後省闕官

乃詔檢正李與權書讀此事亦前所未有也

中興會要

羣書要語紫垣

仙掖

東掖

黃閣

並晏公類要

給事黃

門職在出納

曲阜除龔原制

惟東臺論駁之司乃萬事出納之

地

初僚除毛友制

左省駁議不畏強禦

杜牧之行崔瑗制

給事東閣實

掌駁議

白集除劉伯芻制

守駁正之任道不依違

孫奭制

朕付基

命於中書付審駁於門下有事殿中之官實專閱讀之

任其還東臺出納惟允

曲阜除葉濤制

有事殿內之臣職在於

平奏述詳論命令駁其違者而正之覆其善者而行之

至於決獄官人發驛遣使申冤滯察苛撓莫不總焉

南豐

擬制 俾并瑣闥以備顧問

詩句飄飄青瑣郎文采珊瑚鈎

杜甫

平生批勅手淡墨寫

黃紙

東坡

儒者給事中顏公甚魁偉

黃山谷

瑣闥昔年司制

誥共嘉文藻類相如

古今事實

黃門

唐德宗以王緯為給事中稱曰黃門要地

唐書

又黃門有

畫堂之署

漢官儀

禁門曰黃闥內人主之

青瑣

給事黃門侍郎掌侍從左右關通中外及諸王朝見於

殿中引王就坐漢舊儀曰黃門屬黃門令日莫入對青

瑣門拜名曰夕郎

後百官志

又青瑣門在南宮

官閣簿

又青瑣

戶邊青鏤也顏師古曰刻為連瑣文而青塗也

小門下

謂給事中小門下齊世呼侍中為門下給事黃門為小

門下

雞距通典

用名儒國親

胡伯始曰給事常侍從或名儒或國親東方朔中郎為

給事中劉向諫議大夫為給事中

賜爵關內侯

蕭望之漢元帝詔曰望之傳朕八年厥功茂焉可賜爵
關內侯給事中贊曰身為儒宗有輔佐之能近古社稷
臣也

以明經拜

前漢鄭眾以明經拜給事中

任熙立德

任熙為給事中立德邈然

清正廉潔

晉武帝詔燕王陳劬清正廉潔博通六籍宜在左右以敦儒訓可給事中

忠篤履正

晉武帝詔曰郎中張逵忠篤履正為江表士大夫所稱宜在中朝以逵為給事中

駁正詔勅

給事中掌侍左右分判省事凡百司奏抄侍中既審則駁正違失詔勅不便者塗竄而奏還謂之塗歸

駁奏無私

盧鈞字子和有大詔令必反復省審駁奏無私

給事草制

正元中上命盧杞為饒州刺史給事郎袁高宿直當草制遂執以謁宰相不悅遂改命舍人草制按此則給事宿直亦草制耶當考

有宰相器

李藩字叔翰遷給事中制勅有不可遂於黃勅後批之吏曰宜別連白紙藩曰別以白紙是文狀豈曰批勅耶裴垍言於帝以為有宰相器遂拜相故史臣曰批勅有

夕郎之風

唐本傳

臚傳詔旨

齊映為人白皙長大言音鴻爽帝令侍左右或馬前臚

傳詔旨

唐本傳

鸞渚如舊

唐薛存誠再除給事中仍是本廳鸞渚几榻杖屨如舊

晏公
類要

數以忠進

孔穎達太宗新即位數以忠進

唐本
傳

古今文集

雜著

辭免除吏部侍郎兼給事中奏

洪咨夔

渙綸舄奕震魄正營臣竊以銓省者人材之權衡瑣闥者國是之綱紀裴行儉以知人之鑒顯張元素以回天之力稱匪得譽髦曷當妙選如臣者背時媒辱遇主光榮鳳掖代言兼僦鑾坡之直虎門勸講仍紬石室之藏智井不可以汲深弊車尤難於任重謗焉溢量竒甚纏病屢退乞於叢祠忽進聯於法從貳題才而既重叅批敕以尤嚴求閒獲遷服寵知懼欲望皇帝陛下官必懋

德器毋假人念輔頰欲穿莫稱論思之職而精神已索
難居閱讀之司毋拘反汗之嫌特徇祝釐之請用安愚
分庶保危蹤

律詩

寄毗陵楊給事

劉禹錫

揮毫起制來東省蹀足修名謁外臺好著橐鞬莫惆悵
出文入武是全才

和盧給事

姚合

駕驚簪裾上龍尾蓬萊宮殿壓黿頭夕郎夜直吟仙掖
天樂和聲下禁樓

再除給事作

薛存誠

再入青瑣闈忝官誠自非拂塵驚物在開戶似僧歸積
草慚無徑殘花猶洒衣禁闈偏近日行坐是恩暉

絕句

王維

禁裏踈鍾宮舍曉省中啼鳥吏人稀晨搖玉佩登金殿
夕奉天書拜瑣闈

又

沈佺期

南省推丹地東曹拜瑣闥
惠移雙管筆恩降五時衣

又

沈佺期

案牘遺常禮朋儕隔等威
旭日千門啓初春八舍歸
贈蘭聞宿昔談樹隱芳菲

又

沈佺期

言從溫室秘籍向瑣闥通
分曹八舍斷解袂五時空

中書舍人

歷代沿革漢尚書郎直宿建禮門奏事明光殿下筆為
詔誥出令語為誥令中書舍人也

注通典

魏置中書通

事舍人東晉省以中書侍郎一人直西省即侍郎兼
其職而掌其詔命宋初復置通事舍人四員入直閣
內出宣詔命凡有陳奏皆舍人持入叅決於中自是
中書侍郎之任輕矣齊永平初中書通事舍人四員
各住一省時謂之四戶權傾天下與給事中為一流
梁用人殊簡以才能不限資地多以他官兼領後除

通事字直曰中書舍人自是詔誥之任舍人專之

魏晉

已來詔誥皆中書令及中書侍郎掌之

後魏有舍人省後周小史上士

二人隋內史舍人八員煬帝減四人後改為內書舍

人唐武德三年改中書舍人置六員

通典

掌侍進奏議

表章凡詔旨制敕璽書冊命皆起草進畫既下則署行百司奏議文武考課皆預裁焉以一人知制誥顯

進畫給食于政事堂其餘分署制敕以六省分押尚

書六曹

又分云押六司

佐宰相判按同署

職林

龍朔改西臺舍

人光宅改鳳閣舍人開元改紫微舍人又曰紫微省

唐會要宋中書舍人為所遷官實不任職復置知制誥

及直舍人院故事入西閣皆中書召試制誥三篇惟

梁周翰不召試而授焉其後薛映梁鼎楊億陳堯佐

歐陽修亦如此例

按長編薛映梁鼎皆召試翌日與億並命會要誤也

元豐五

年曾鞏陸佃竝試中書舍人自是始正官名

續會要

遂

以中書舍人判後省之事分案五曰上案掌冊禮及

朝會所行事曰下案掌受付文書曰制誥案掌書記

制詞及試吏校其功過曰諫官案掌受諸司關報文書曰記注案掌錄記注其雜務則隨所分案掌之元

祐初以蘇軾直舍人院有司言自官制行舍人院廢

今為中書後省於是改為權中書舍人遂為故事後

詔舍人名簽諸房文字其命詞則輪日分草

續會要

中

興置中書後省以中書舍人為長官六員常除二員

一員領吏房及工房一員領吏房右選及禮刑房

中興

會要嘉泰四年李季章壁以宗正少卿權中書舍人而

中字犯祖諱季章辭有旨權以直舍人院繫銜乃受命不知舍人院廢已久矣蓋大臣失於討論也一時在廷鮮有能辨之者

羣書要語擢於綸閣列在禁闈

李吉甫劄

司言鳳綰揮翰龍

池

陳拾遺集為陳舍人遜官表

紫機務重青紙任隆

同上

鳳池清切雞

木深嚴

文粹張鷟奏

迴翔青瑣典掌紫泥

白氏六帖

自可曳裾紫

禁伏奏青規助朝廷之光輝贊明時之喉舌芝泥發彩宣鳳藻而騰文蘭檢浮香潤龍縑而動色注內禁地以

青規畫故曰青規漢儀天子制詔以紫芝為泥以封又

蘭英為檢紫芝為泥黃縑為制勅也

文粹張
騫奏

自列內朝

兼司誥命事煩而益密職久而彌精寵以正名或光禁

職

白居易集崔
羣舍人制

而能芟繁辭刻弊句使吾文章言語與

三代同風引之而為綸綍垂之而為訓誥秉筆者莫敢

爭能

白居易稹
舍人制

東西置省是陛下內臺股肱之司

晏公
類要

西臺本政事之地內史專誥命之文

初察除賈
安宅制

叅典王

命之官於令號為清選

曲阜

內史列屬西省聞萬機之

微先朝董正治官始脩六員之目

初寮行張叔夜制

政令之出

公卿為朕行之臺諫為朕言之方其未行內史舍人得

聞其議與其既行而後言孰若未行而議之哉

樂城制詞三

殿內朝日趨翔於文陛六飛法從時陪扈於屬車常瞻

咫尺之光專裁寬大之詔

楊文公集

勅以辭藻可使書誥命

而專右席

白集庾敬休知制誥制

鼓三變之文潤色王度

李吉甫制詞

蘊冲用以究國經鋪訓詞以潤王度

宋中錫制

詩句東壁圖書府西園翰墨林

張說

上君白玉堂

謂中書也杜甫

贈張九齡

躍鱗龍鳳池揮毫紫宸裏

中伯玉中書郎

討論潤色今為

美學問文章老更醇

王介甫

一官早要稱三字注三字謂

知制誥

陳后山

擣毫終要居三字出郡終須借一麾

王禹偁

聯飛仙掖舊心明

古詩

獨有鳳凰池上客陽春一曲和應

難

岑參和賈舍人

清切丹禁靜浩蕩文河注

古今事實

鳳閣舍人

徐堅字元固聖歷中楊再思王方慶為東都留守引堅

為判官表奏專委之方慶嘗稱曰掌綸誥之選也再思曰此鳳閣舍人樣

不納私財

唐敬宗初登極路隋拜中書舍人翰林學士仍賜金有以金帛謝除制者叱而却之曰吾以公事接私財耶終無所納

獨賜古物

南齊傅昭為中書通事舍人時居此職者皆權傾天下

獨昭廉靜無所干預器服率陋明帝聞之賜漆合燭盤
勅曰卿有古風故賜以古物

出納忠謹

晉劉超遷中書舍人時臺省創建內外多事超出納書
命以忠謹稱

誥命之敏

前蜀庾楷進中書舍人時署百司誥命填委皆有典則
人服其敏

文成於心

梁裴子野掌詔誥或問其為文速者子野荅曰人皆成於手我獨成於心

謂之閣老

唐楊綰為中書舍人故事舍人年久者為閣老其公廨雜料獨取五之四至綰悉均給之

清平官

南詔謂詞臣曰清平官

世稱三才

唐魏收、蘇中舍與溫子升、邢子才、齊譽，世稱三才。

時號四俊

張嘉貞為中書令，薦中書苗延嗣、呂太、王等四人皆位清要，日與議政事，時號令君四俊。

不留制草

高郢為中書舍人，九年家無制草，或問之曰：「前輩皆有制集，公獨焚之，何也？」荅曰：「王言不可存於私室。」

雞棲木

魏晉世語曰劉放孫資共典樞要夏侯獻曹肇心內不平殿中有雞棲木二人相謂此亦久矣其能復幾指謂中書監劉放中書令孫資

四禁七制

唐故事漏泄稽緩違失妄誤謂之四禁

分紀

唐制故事王

言之制有七冊書制書慰勞制書發日勅勅牒勅旨論事勅

文辭稱蘇賈

賈曾開元初拜中舍與蘇晉同掌制誥皆以文辭稱

詔誥稱常楊

楊炎為中書舍人與常袞竝掌綸誥袞長於除書炎善於德音自開元以來詔誥之美時稱常楊

文章宿老

唐李嶠字巨山為鳳閣舍人文冊大號令多主為之嶠富才思然其仕前與王勃楊盈川接中與崔融蘇味道

齊名晚諸人沒而為文章宿老一時學者取法焉

有 hands 筆

唐李嶠為中書舍人朝廷每有 hands 筆令嶠為之

上五事

高馮為中書舍人列上五事

發十難

唐韋處厚穆宗時為中書舍人時張平叔以便佞進欲
糶鹽處厚發十難以詰之帝乃知害民平叔始踈斥

海內共推

虞世南拜內史舍人柳顧博學罕所推許至是與世基
相見歎曰海內當共推此一人

灑翰泉湧

鄭畋薦中書舍人咸通十年討徐方書詔旁午畋洒翰
泉湧動無滯思同僚閣筆推之

揮翰如飛

陸扆拜中書舍人扆文思敏速初無思慮揮翰如飛文

理俱愜同僚共推其能

言最精密

唐孫逖典詔誥為代言最而逖尤精密張九齡視其草欲易一字卒不能也

長於應猝

常袞文采瞻蔚長於應猝譽重一時

工於冊奏

顏師古遷中舍掌機密時軍國多務凡制誥皆成其手

冊奏之工時無及者

分口占授

岑文本善職而敏速或策令叢遽勅吏六七人泚筆分

口占授咸無遺意

職林

執筆分占

王勃長壽中為鳳閣舍人壽春等五王出閣有司具儀

忘載冊文勃召五吏執筆分占其辭粲然

本傳

一代詞宗

唐吏部郎中張九齡一代詞宗為中書令引韋陟為中

書與梁涉對掌文誥時人以為美談

職官分紀

煥成文章

武德及開元中有顏侍陳叔達蘇頌云大手筆掌書王

命故一朝言語煥成文章

唐大詔令

一人辦事

孫處約為中書舍人累年中令杜正倫奏請更授一舍人與處約同知制誥高宗曰處約一人足辦我事何須

多也

唐會要

獨直兩省

權德輿字載之為起居舍人歲中兼知制誥進中書舍人獨直兩省數日一還舍乃上言左右掖垣承天子誥命奉行詳覆各有攸司舊制分曹十員以相防檢大抵事有所壅則吏得為非四方聞者或以朝廷為之士要重之司不宜久廢帝曰非不知卿之勞但擇如卿者未

得其人耳

本傳

解事舍人

唐故事中省有軍國政事則中書舍人各執所見雜署其名謂之五花判事中選一人明練事者知機密謂之

解事舍人

通鑑

分司押事

李泌曰給舍分司押事故舍人謂之六押

著三足記

唐盧景世嘗謂人君足食足兵而又得士天下可為也乃

自軒轅以來至唐劉治道之要著書號三足記

職林

撰五經訓

徐邈在兩省撰正五經音訓學者宗之

本傳

出寶圖賦

崔融為文華婉當時未有輩者朝廷大手筆多勅委之

其洛出寶圖賦尤工

唐書

上清暑賦

崔仁師太宗時幸翠微宮上清暑賦以諷帝賜帛五十

段

文陣雄帥

唐蘇頲傳張九齡嘗覽頲文卷謂同列曰蘇生之後瞻無敵真文陣之雄帥也

文場元帥

唐張九齡號詞人之冠又號文場元帥

文士極任

唐自永淳以來天下文章道盛臺閣髦彥無不以文章

達故中書舍人為文士之極任朝廷之盛選諸官莫比焉

人物精鑒

裴均為中書李吉甫執政以情謂均曰比日人物吾憊不及知精鑒為我言之均即疏三十許人吉甫薦于朝
文思溫雅

唐王仲舒自職方郎中知制誥文思溫雅制誥所出人皆傳寫

掌兩官誥

唐徐浩肅宗時拜中書舍人時天下事殷詔令多出於浩浩屬詞瞻給文工楷隸肅宗悅其能加兼尚書右丞玄宗傳位誥冊皆浩為之叅掌兩官文翰寵遇莫比

最宜為誥

王仲舒穆宗立每言仲舒之文可喜最宜為誥有古風
召為舍人既至視同列率新進少年居不樂曰豈可復
治筆硯於其間哉

咨訪大政

齊澣字洗心開元初姚崇為相用為給事中中書舍人
論駁及誥詔皆援準古誼朝廷大政必咨之時號解事
舍人

潤色訓誥

唐順宗除裴度中書舍人制曰度以茂學懿文潤色訓
誥體要典麗甚得其宜施之四方朕命惟允況中立不
倚道直氣平介然風規有光近侍臺官滿歲班列當選

綸閣之職所宜其授

封還詞頭

長慶元年中書舍人白居易奏獨孤朗岳州刺史溫造
朗州刺史李肇澧州刺史王鎰郢州刺史令臣撰詞四
人出官詞頭臣以封訖未散撰進伏待勅旨

屢獻讜言

蘇晉先天中為中舍屢獻讜言天子嘉允

有諍臣風

唐柳公權為中書舍人充翰林書詔學士文宗便殿語
及漢文恭儉帝舉袂曰此澣濯者三矣公權曰人主當
進賢退不肖納諫諍明賞罰以澣濯之衣乃小節爾文
宗謂之曰極知舍人不合作諫議以卿言事有諍臣風
采也翼日降制以為諫議大夫知制誥學士如故

居官鯁正

宋璟為中書舍人居官鯁正

敷奏機辯

馬周字賓王為中書舍人善敷奏機辯明銳動中事會
時譽歸之岑文本曰吾見周論事多矣一字不可加一
言不可減

草詔賜錦

封敖為學士拜中書舍人文思敏速武宗深重之嘗草
陳傷邊將詔警句云傷居爾體痛在朕躬帝覽而善之
賜之宮錦

納言賜錦

高鉞為中書舍人入見帝因勸躬摯以示憂勤帝納其言賜錦綵

報藥石言

唐太宗時中書高季輔上封事特報鍾乳一劑曰卿進藥石之言故以藥石報之

進諫賜金魚

吐突承瓘於軍中立聖政碑李絳以為不可許憲宗初甚怒絳語不已上卒大開悟故除絳中書舍人翼日又

面賜絳紫衣金魚上親為絳擇良笏勉之曰爾時無易

此心

續通典

問古今事

崔琳明政事開元中與高仲舒同為中書舍人侍中宋璟親禮之每所訪逮嘗曰古事問仲舒今事問琳

本傳

咨訪政事

故事政事中書堂有門蓋宰相時適中書舍人院咨訪政事以自廣也及常袞相塞絕其門以示尊大不相往

來

續通
典

成一家言

楊嗣復除中書制貞元中汝父為中書舍人甚稱厥職
今使汝繼書吾命成一家言堂構國華在於此舉

唐大
詔令

三世居職

孫簡知制誥進中書舍人初逝掌誥至代宗時族祖宿
又居職逮簡凡三世

三世制誥

唐李德林李百藥李安期三世掌制誥

職林

又張嘉正武

后時進中書舍人崔寔輕之後與議事正出其上寔驚

曰此終其坐後十年而為中書令子延賞延賞子弘靖

三世掌書命又徐堅祖孝德父齊暉及堅三世為中書

舍人皇朝衣冠無以為比又徐嶠父子自祖及孫三世

為中書舍人又王徽字昭文曾祖擇從昆弟四人至鳳

閣舍人者三人故號三世舍人

集賢記注

父子同在

蘇廷碩為中書舍人時父瓌同中書門下三品父子同在禁院朝廷榮之元宗平內難書詔填委獨廷碩在太極後閣口所占授功狀百緒輕重無差書吏白公曰丐公徐之不然手脫腕矣李嶠曰舍人思若泉湧

本傳

父子繼美

唐賈至天寶末為中書舍人肅宗即位於靈武上皇遣至為傳位冊文上皇覽之歎曰昔先帝遜位於朕冊文則卿之先父所為今朕以神器大寶付儲君卿又當演

誥累朝盛典出卿父子之手可謂繼美矣

職林

叔侄對掌

封氏自太和世居兩制舜卿從子德昭時為翰林舜卿時為中舍叔侄對掌誥命當時以為榮

封教傳

兄弟相代

韋思謙二子承慶嗣立承慶解鳳閣舍人武后謂嗣立曰爾父嘗稱二子忠孝今使卿兄弟自相代拜鳳閣舍人

唐本傳

又南漢趙光裔以膳部郎中知制誥時兄光逢

為翰林學士兄弟對掌內外制時論榮之

九國志

西掖八年

唐權德輿四歲能為詩後為中書舍人居西掖八年間

獨掌者數歲

職官分紀

斷憲舍人

楊滔為中舍時催作制勅令史將鑰匙出無本可檢乃

斷憲取得本時號斷憲舍人

職林

宰相判官

中舍時為宰相判官

唐盧氏雜記

見石思人

薛元超道衡孫也為中書舍人中書省一盤石初道衡為內史侍郎嘗踞而草制元超再見此石未嘗不泣然

流涕

唐本傳

為文中和

許景先為中書舍人以文翰見稱中書令張說嘗稱曰許舍人之文雖無峻峰激流蘄絕之勢然屬辭豈美得中

和之氣

唐本傳

制誥典雅

南唐韓熙載為和州司馬久之召為中書舍人乃始親

職制誥典雅有元和風

九國志

有宰相器

後周范質漢初加中書舍人戶部侍郎周祖征三叛每

朝廷遣使齎詔處分軍事皆合機宜周祖問誰為此辭

使者以質對周祖歎曰宰相器也

事畧

十年正任

張洎計偕之歲為潤帥燕王冀所薦首謁韓熙載一見待之如故舊謂洎曰子好一中書舍人頃之韓主文柄洎亦擢第不十年間果正絲綸之任

職官分紀

一月遂罷

真宗祥符九年知制誥樂黃目知開封初黃目召試上以黃目久任外官止試制誥二篇入西閣不一月遂罷

長編

訓誥有程範

宋敏求知制誥訓辭誥命皆有程範

言行錄

詔詞激烈

劉琪謚忠肅兼中書舍人會金人渝盟天子悉師北向
以雪讐恥復疆土一時詔檄多出公手詞氣激烈聞者
感動或至泣下

朱文公
撰行狀

分日命詞

元豐詔中舍分領六房隨所領命詞後復分日

會要

立馬一揮

劉敞字原夫在西掖時一日追封皇子公主九人敞將下直為之立馬却坐一揮九制數千言已就

神宗實錄

占紙肆書

曾鞏擢中書舍人屬新官制遂掌書命於是更置百官舊舍人無在者已試即入院方除目填委占紙肆書初若不經意午漏盡授草院吏上馬去凡除郎御史數十人所以本法意原職守而為之訓勅者人人不同咸有

新趣而衍裕雅重自成一家

行錄

偏討羣籍

至道中和嶠知制誥嶠之直中書每草詔必閉戶精思
徧討羣籍而後成沙州表求經藏碑詔嶠撰以賜之嶠
遣廝借佛書數千卷人傳以為笑

國史

經宿進碑

宋初王祐拜中舍史館受詔撰普照王碑經宿上進中

外驚其神速

事畧

七字舍人

呂溱傳溱開敏善議論一時名輩推許然喜自貴重見賓客不及數言時號曰七字舍人云

文章獨步

王禹偁能屬文太宗方獎拔文士召拜右拾遺禹偁上端拱箴以為誠尋知制誥上嘗稱之曰王禹偁文章當

今天下獨步

行錄

時稱楊陳

陳從易字簡夫知制誥與楊大雅同在西掖時謂之楊

陳

事畧

常楊不逮

鄭戩字天休知制誥訓詞深雅時謂之常楊不逮也

事畧

有常楊風

鄭戩因文定公李迪薦其才累為知制誥訓詞深雅有

常楊風

有元白風

謝絳字希深權知制誥文章典雅有元白風

並同上

有三代風

曾鞏擢中書舍人不俟入謝諭使就職時自三省至百執事選授一新除吏日至數十人舉其職事以戒辭約義盡論者謂有三代之風上亦數稱其典雅

言行錄

有西漢風

王珪知制誥其文典麗有西漢風嘉祐初為翰林學士

畧事

詞有古風

彭汝礪元祐中拜中書舍人賜服金紫詞命雅正人以

為有古風

言行錄

召試之制

執事官差除皆除目先下惟中書舍人宰相得言朝退
遣直省官召詣都堂面傳旨召試被命者致辭丞相謝
之直省官徑引入中書省前期侍郎廳設幕次几案于
中就坐少頃本省吏房主首持丞相封題目來即就試

中書具食罷侍郎致茶果是日宰相住省俟納卷始上馬翼日進呈除目方下蓋台試之制也有思遲不即就者往往過期或為留內門然已不稱職矣嘉祐間有試而不除改天章閣待制者

石林燕語

不復命試

陳文惠公堯佐天聖初知制誥故事知制誥者先試其文辭天子以公文學天下所知不復命試自宋朝以來不試知制誥者唯楊億及公二人而已

言行錄

不試而命

宋朝之制必先試而後命有國以來不試而命者纔三

人楊億陳堯佐及修忝與其一爾

歐陽公
歸田錄

蘇劉免試

元祐元年起居舍人蘇軾擢為中書舍人十二月直龍
圖閣劉攽為中書舍人並免試

楊錢免試

元豐七年十月詔起居郎楊景略左司郎中錢勰並為

中書舍人二人奉使高麗方還在道並擢之

一佛出世

太宗嘗云朝廷每除一舍人六親相賀諺云一佛出世

夢草制誥

孫抃夜中夢明窓下草制誥其後第三人及第知制誥如夢云

父子繼任

王旦拜右正言知制誥父祐以清名久掌書命不十年

旦繼其任時論美之錢若水有人倫鑒與之同列每曰
王君凌霄聲壑梁棟之材非吾所及也

父子掌誥

父子掌制誥宋初至熙寧元年凡九家李文正昌武王
兵部文正王思獻安簡晁文元文莊錢希白修懿梁翰
林莊肅呂文靖宋宣獻公敏求蘇儀甫子容

出領外藩

雍熙四年以右補闕知制誥范景為工部郎中知京兆

府知制誥出領外藩自是始也

始除簽樞

直舍人院祖宗時有之嘉泰四年李季章壁以宗正少

卿權中書舍人而中書故事小兩制未有除執政者乾

道二年蔣子禮芾始自中書舍人除簽書樞密院事

翰苑兼西掖

洪适為翰林學士仍兼中書舍人輔臣奏自來無翰苑
下兼西掖者上曰洪某在後省甚振職且要其整頓綱

紀故事給舍繳駁施行者皆封付三省秦垣提舉太平
宮某奏秦檜欺天盜權戕害忠直當錮其子孫即時御
筆依奏乃封付某明日召對上曰所論甚當異日有繳
奏只批勅進來不須聯章

閣老壓角

舍人院每知制誥上事設紫褥於庭面北拜廳閣長立
褥之東北方謂之壓角長宗袞作掖垣叢誌而不解其
事按唐舊書亦無聞焉唯裴廷裕王陵遺事云舍人上

金史卷八十二 禮七
事知印宰相當壓角則其禮相傳自唐也予為舍人日
邵興宗入院不疑為舍人閣長壓角而時議美之

犀帶佩魚

霍端友傳徽宗時為中書舍人服金紫故事唯服黑角
帶顧見之曰給事舍人等耳而服飾相絕如是始命犀
帶佩魚

親篆閣榜

寶元元年七月新作舍人閣上親篆其榜曰紫微閣

又劉攽字貢父元祐中拜中書舍人請復古制建紫微閣於西省

命典王府

曾鞏元豐為中舍時哲宗為延安郡王命鞏典王府歲奏故事翰林掌之上特命鞏會要

獻皇極箴

治平元年知制誥祖無擇獻皇極箴賜詔獎之職官分紀

賜燭歸院

丁未錄夕時上神宗召知制誥鄭毅夫

卿

對內東門小

殿命草吳奎知青州張方平叅知政事制賜雙燭送歸

舍人院二府無知者明旦且進草遂付中書出誥

國史

召赴曲宴

太宗皇帝留心儒術旌賞文翰時綸閣之士始召赴曲

宴或令和詩舍人從遊宴自此始也

職官分紀

失却君房

真廟時日本國入貢求本國神光寺記舍人辭不工令

學士張君房代之張退食多潛飲市樓掖垣求之不得
大窘時种放以司諫歸華山楊大年為閒忙令云世上
何人最為閒司諫拂衣歸華山世上何人最號忙紫微

失却張君房

湘山野錄

連名繳奏

林大中遷中書舍人風裁如臺中時侂冑來見公接之
無他語使人通問因願內交又笑却之彭龜年抗論侂
冑甚有旨龜年除職與邵公在西掖樓鑰在瑣闥連名

上疏又同繳奏

樓攻魏集

兩上章論

曾文昭公肇元祐初遷中書舍人門下侍郎韓維面奏
范百祿所為不正黜維知鄧州公不草制兩上章論之

言行錄

得繳詞頭

富鄭公知制誥制下遂復國之封鄭公繳還詞頭封命
遂寢唐制唯給事中得封還詔書中書舍人繳詞頭蓋

自鄭公始

龍川志

舊制執政除罷皆宣麻呂惠公弼因爭

新法求去王安石陰沮之乃使舍人院命詞蔡齊掌外

制繳詞頭舉典故論之安石勸上內批今後樞密罷更

不宣麻

丁未錄

抑中人進官

胡銓兼中書舍人有旨以中人李綽等嘗典發軍書無

誤各進官一列公不奉詔綽等泣訴上曰胡銓不肯

楊誠

齋撰
行狀

繳內侍升職

卷七

陳傳良字君舉除中書舍人封還詞頭遇事輒發
張子仁建節陳源除內侍省押班率逢原升都
統源供職自如而詞命不行終不得俸逢原先被宣
劄已自書銜公執奏再三終不奉詔此二事無敢嬰
其鋒者公神色不動來則繳奏旁觀者為之寒心

樓攻

魏撰
行狀

獨當內外制

洪适除中書舍人內直如故方羽檄交馳書詔填委或
夜召或細札咨訪公獨當內外制時時奉詔草制如乞
防虞海道降詔親征多出公手大用之意已定

周益公
撰行狀

熙寧三舍人

李定除御史宋敏求蘇頌相繼封還詞命次至大臨亦

還之世稱為熙寧三舍人

四朝國史
李大臨傳

封還邊帥詞頭

王巖叟除中書舍人滕元發自太原易許昌公封還詞

金史卷之七
卷七
頭言今以走馬承受一言便易詞頭此風寢長非委任

安邊之福命遂寢

言行錄

不草宦官除制

劉敞知制誥宦者石金彬正除觀察使公封還詞頭不

草制其命遂止

同上

未三十知制誥

宋朝未三十知制誥者蘇太簡二十六吳元中二十七

晏元獻宋宣獻王懿恪張安國皆二十八王文正夏文

莊皆三十

雜記

古今文集

雜著

謝中書舍人表

蘇子瞻

右史記言已塵高選西垣視草復玷近班皆儒者之至

榮豈平生之所望

謝中

竊以詞命之職古今所難非獨取

之於文蓋將試之以事至於機務亦或與聞雖四戶擅
權非當時之公議而五花判事亦前代之美談及夫三

字之除乃是一切之政但謂內朝之法從安知宰相之
屬官既任止於訓詞故權移於胥吏恬不知恠習為故
常先皇帝道冠百王法垂萬世建六官而修故事闢三
省以待異人典章一新名實皆正遂申明於四禁俾分
領於六曹遠則追直閣之司近則通檢正之任雖未聞
政而聞事蓋須有德而有言如臣之愚無一而可草創
潤色既非鄭國之材除書德音又乏唐人之譽忽當此
選莫測其由茲蓋伏遇皇帝陛下將聖與仁能哲而惠

雖在三年不言之際已有十日竝照之光而臣日侍邇
英親聞訪道仰天威之甚近知聖鑒之難逃謂臣嘗受
先朝之知實無左右之助棄瑕往昔責效將來臣敢不
益勵素心無忘舊學上體周公煩悉之誥助成漢家深
厚之文苟無曠官其敢言報

再謝中書舍人表

蘇子瞻

聖神獨斷出成命於省中衰病增光溢虛名於朝右訓
詞之重士論所榮中謝臣聞有言逆心此古人所以顛沛

積毀消骨非聖主莫能保全臣本受知於裕陵亦嘗見待以國士嘉其好直許以能文雖竄謫流離之餘決無可用而哀憐收拾之意終不少衰抱弓劍以長號分簪履之永弃豈期晚遇又過初心矧外制之祕嚴極西垣之清要在唐之盛以馬周岑文本為得人近世所傳有楊億歐陽修之故事不試而用於今幾人遂超同列之先遠繼前修之末夫何頑鈍有此遭逢茲蓋伏遇太皇太后陛下憂國忘身愛民如子憂深故任其事者重愛

極故為之慮也長數求哲人以遺嗣聖所以兼收而並用庶幾有得於其間臣敢不盡其所能期於無愧始終自誓故常以道而事君夷險不同則必見危而授命

謝除中書舍人表

蘇子由

執筆柱下已愧踈空起草禁中尤為清切上慙主眷下愧人言中謝伏以西臺政教之原紫微論思之地緝熙庶

政事得叅稽進退百僚言成訓誥昔趙孟治晉叔向為之謀主則楚無以當國僑為鄭子羽掌其辭令則國鮮

敗事今臣所領頗近於斯宜得博達詳練之人疎通敏捷之士考覈邦典潤飾皇猷如臣樸訥少文迂拙自用
在仁宗時始以直言見收下第在神考時復以封事獲對清光不能自結於一時旋復竄後於萬里雖謀身之不暇顧受任以何堪泰壇之樽何取溝中之斷清廟之瑟誤收竈下之焦此蓋伏遇皇帝陛下出震乘龍代天
理物默然思道專意於用人穆若守成選衆而求舊憐臣一介之賤偶為三世之陳遺簪以故而見收老馬以

病而復養不求其用聊廣吾仁臣雖力不逮人而誠心未泯學忘其舊而一二猶存敢不靖恭於朝側聽高宗之言政勉強以俟幾見成王之措刑

再謝中書舍人表

蘇子由

越從左史擢領西垣口出命書身叅法從深念山林之迹本無富貴之心聞命若驚固辭不獲

中謝

伏念臣生本西

蜀家世寒儒學以父兄為師貧無公卿之助私有求于祿養輒自力於文詞慨然東遊無以上達際會仁祖訪

求直言策語猖狂恃聖神之不諱考官怪怒惡悻直之
非宜孰知牾俗之言特被愛君之詔感激恩遇遂忘死
生莫酬國士之知適有私門之禍未填溝壑重迫饑寒
時於道途望見神考一封朝奏夕聞召對之音衆口交
攻終免謫遷之患生雖不遇當辱顧於二宗時不見容
勢殆濱於九死厄窮自致黽俛何言敢云衰病之餘復
被寵光之幸此蓋伏遇太皇太后陛下母慈均覆坤德
無私欲以任姒之功躬行堯舜之道肆求多士以遺成

王者老畢曾於朝廷耕築不遺於林莽遂令拔擢猥及
空疎馮唐已衰猶願雲中之往貢禹雖老未忘封事之
勤譬如木之在山生則荷恩而死無所怨水之於地行
則潤下而止不敢辭臣之事君義亦如此欲報之誠非
言所殫

辭免中書舍人劄子

汪藻

臣竊謂言語之科聖人以先政事代言之任朝廷隸之
中書豈不以尊主庇民維持萬世者雖在功名而道王

德義風動四方者實由詞命故區區之鄭能自立於晉楚之間者本國僑能言而唐德宗中興於肅代之後者亦緣陸贄知禮今陛下以英明上聖之資勵興衰撥亂之志方時多故政令未孚凡一話言必欲使民知好惡所在當得如國僑陸贄者潤色討論濟艱難之業如臣何者辱此詔除此所以承命震惶而莫知所措也伏望陛下察臣學識本非所長加憂患百罹志衰氣索比當權攝三月有餘屢進蕪詞斐然可見特賜追還成命改

授時髦豈惟坦明之制不絕聖慈抑使嚴近之班靡汙庸瑣

辭除中書舍人表

汪藻

朝廷有命莫嚴內史之贊書溝瀆何知遽補甘泉之法從既冒久虛之選仍叨不試之除

謝中

伏念臣居世寡諧

資身無策一官平進安知巧宦之機半世倦游長在窮愁之境昨幸蒙於起廢恩復許於叅華適值時艱俄遭事變身將淪於異域望已絕於中天豈意生還復膺器

使備史職中興之始攝詞臣多士之餘所憂無累之陳
不堪代匱乃誤便蕃之及遂使為真過分所期循名而
懼茲蓋伏遇皇帝陛下兼收羣策光復丕圖謂聰明睿
智之有臨須號令文章之可述故掌制誥必以能言而
臣學昧淵源文惟雕篆况齒髮早衰於多病而精神新
耗於百憂大懼曠瘼上孤甄擢雖不能草詔使武夫悍
卒之涕流然常願輸忠俾君子小人之情得倘酬大造
何有餘生

謝除中書舍人表

洪邁

記言左史甫沐於序遷掌制中書遽叨於真拜荷光靈之曲被循涯涖以難勝

中謝

伏念臣行能亡以瘡人愚憊

而不逮事少年馳騫妄有意於功名壯歲崎嶇私自憐於力命未分山林之獨往甘從州郡之徒勞正違鳴玉之趨忽點賜環之召徑歸故步亟侍清光官資兼五職之華翰墨極一時之選顧生成之特異覺報稱以至難可以言而言造勝必期於展盡非所據而據謀身敢擇

於便安深虞羈迹之疾顛乃辱脩門之孟進矧是詞臣
之貴實為世掌之榮父子相承四上鸞坡之直弟兄在
望三陪鳳閣之遊共夸遭遇之殊竊有滿盈之懼茲蓋
伏遇皇帝陛下重華協帝下武繼文篤實輝光而日新
躬行仁義溥博淵泉而時出獨化陶鈞當循名責實之
辰欲砥節奉公之士察其孤立或效一長使居侍從之
班仍在絲綸之地臣敢不敬共官次感誦天恩巍巍其
有成功方際有為之會斷斷而無他技誓殫無隱之忠

辭免兼權中書舍人劄子

樓鑰

自揣僥逾彌增震惕

謝

某技能至薄見謂頓遲學術素

疎且多廢忘躡遷左陞曾閱日之未深密侍清光懼記

言之非稱矧是演綸之要實叅造命之嚴非智略該通

不足以裨贊國論非辭章典麗不足以潤色王猷可使

凡才而與華選暫承人之雖弗許於控辭退睥時髦顧

豈容於冒進欲望朝廷特賜敷奏曲回宸命更選詞臣

俾專柱下之官庶愜廷中之議

謝除中書舍人表

樓鑰

史筆屢書深慙無補綸聞久假遽命為真嘗控避而弗
俞竟周章而就列謝中伏念臣受才謏薄涉世闊疎偶承

累葉之儒科寢預清朝之官使往分郡寄何有民庸當
壽皇御極之時曾四登於文陛逮聖主題期之始遂三
入於修門首汙郎省之聯旋備賢闕之貳貨泉出納粗
謹攸司寶牒纂修復尋故步晉班左城攝事西垣記注非
工有愧螭坳之直詞章至陋殆為鳳閣之羞矧執愚之

不移或遇事而輒發妨賢已甚忤物且多方喜懼之交
懷恐顛躋之未免力求引退敢覬褒升才思欲枯安得
湧泉之敏身章增煥更貽濡味之譏茲蓋恭遇皇帝陛
下俞受羣言旁招衆俊謂臣粗親小技故使當訓誥之
司察臣素稟朴忠或可效涓埃之助攷於詳試有此誤
思臣敢不思稱所蒙益共爾位言惟作命少裨風雷鼓
舞之神忠以事君當謹朝夕論思之職

謝除中書舍人表

孫覲

代言辭掖叨司史之贊書持橐近班綴甘泉之法從縉紳所重翰墨為榮豈謂臣愚亦蒙試可中謝恭以聖神獨

御鑒臨萬方必有訓誥誓命之文大敷羣聽用能禮樂征伐之出咸仰至明惟茲辭令之臣特重典刑之任格於兆衆以達聖心使四方咨嗟而聳聞百世驚動而興起昔堯言布天下之廣由傳誦以至今周書誥羣下之詳以煩悉而行遠豈臣么麼所可使令恭惟皇帝陛下有堯舜之文章躬神禹之律度以天縱多能之將聖群

臣莫望於清光乃以創殘之餘猥塵潤色之選昭回雲漢之在上光景畢陳繪畫乾坤之為容迂愚已甚况臣懼譴逐內積憂傷心則不强身其餘幾然而見知於欲治之主所遇者難得之時臣敢不洒濯其衷明慎所職體訓辭之深厚期配昔人師訟雅之溫純以章洪烈

謝除中書舍人表

孫覲

支郡承流久在散材之目西垣視草遽塵法從之聯

中謝

臣聞極儒者之榮莫重文章翰墨之選鼓天下之動實

闕朝廷政令之施制規二帝之謨言合六經之訓感厲
一時忠義之氣而武夫悔禍於片言布宣九重德意之
孚而父老貪榮於垂死豈但精誠之格實繫播告之修
伏念臣懵學無師褊衷自信文辭骫骳久貽醫翫之譏
骨相虺隤敢嘆鹽車之厄盍圖幽屏以謝空冷遽頒命
綬之新加賁遺簪之舊延登學省召節已行還貳憲臺
寵私未替詔尚方而給札忝內史之贊書三折肱而為
醫方追懲於枉謬九頓首而重拜遽叨沐於殊私寵至

若驚恍惟就列恭惟皇帝陛下聰明元后神武真人龍
應於天行渙風孚於邦號當有鴻文碩學之士上副厲
精更化之懷顧臣何人迺預茲選老矣既愆之力豈足
舉明主於三代之隆斐然不腆之辭猶能奏薄技於從
官之內誓殫微效上荅深仁

辭免兼權中書舍人狀

吳永叔

光命巽申愚衷震惕伏以太一坐紫微之垣下臨圖書
上主詞令俱為華選專用英髦如某學不足以知方丈

不足以飾治曩塵冊府魯躡等以三遷比直詞垣亦叨
榮者一載搜訪遺文以補書逸繳還成命以繩官邪雖
云粗盡於厥心初亦何裨於更化豈期誤渥復及陳人
還貳書林豈敢方元祐之人物改權中舍而乃用紹興
之典彛一且不堪二難兼取若令磨鉛吮墨尚殫典校
之勞如復翻敕批黃是速顛躋之咎毋拘反汗不敢妨
賢

再辭免權中書舍人狀

吳永叔

某竊以宥坐之器盈則覆仲尼憂太盛之易衰再實之
木根必傷文子懼兼榮之難保今兄弟一門聯登要路
可謂太盛矣內外兩制皆代王言可謂兼榮矣居盛而
不戒則危饗榮而不已則辱若非安當止之分何以免
交謫之言比於黃紙之初除五上控辭之牘繼以赤青
之間作三陳祠祿之章且依屢降之指揮不許再行於
陳請若退而自嘿幾諄戾於先猷復進而有言是重違
於聖旨某之進退至此周章與其身兼數器而獨冒書

生之榮曷若知效一官而免供中舍之職矧詞章係國
脉之隆替而論駁闕朝綱之重輕儻久據於華津豈不
妨於賢路今巧匠袖雲斤而未試良工櫝美玉而弗沽
非甄拔而用之則無以展其器能非磨淬而新之則無
以揚其風采輒忘疎陋敢遜譽髦裨謔草創世叔討論
為命豈一人之力宰我言語子游文學設科須衆善之
長庶於有道之朝得免蔽賢之罰更祈敷奏即賜允俞

辭免中書舍人申省狀

洪咨夔

浹日再遷寸衷積悽伏念某賦資至陋遇事最疎甫叨
赤墀供奉之官遽劾烏臺分察之士宜加誅斥廼被褒
除矧討論欲責於皇猷而封駁亦關於國論詎容冒處
自速煩言欲望朝廷特賜敷奏收絲綸之新渥畀香火
之叢祠所以省劄某未敢祇受

辭免兼權中書舍人狀

劉克莊

奎畫游攷危衷交戰竊惟書命之職宜屬材敏之人曾
輦占紙肆書而可傳劉敞立馬一揮而已就雖云攝乏

亦必當仁如某者舊聞久荒拙思尤鈍凡片文隻字狂簡之作皆積日累月鍛鍊而成蓋山林枯槁者之為於朝廷潤色而奚取若使不量膚淺冒處高華非惟包越俎之羞又將起斷窻之誚欲望朝廷特賜敷奏收還誤渥改畀英髦以重詞垣以穆朝論

辭免兼權直舍人院狀

吳永叔

某被命頻仍省躬震惕居編摩之府纔及五旬登著作之庭未經一月當明主勵精之始正微臣思報之秋而

學不足以網羅舊聞識不足以通達時務方虞黜責豈
望超陞矧贊書王國之精華而論駁公朝之機脉開寶
之後僅聞兩中允之除熙寧以來始見三舍人之盛豈
宜樸學暫使兼官雖資淺望輕在禮弗容於控免然職
親地禁非才恐速於顛隲伏望朝廷特賜敦奏收回成
命改畀時髦庶專農馬之能少荅乾坤之施

辭免兼直舍人院狀

吳永叔

冒應兼組增惕孤衷伏念某頃自著庭暫權右掖無英

詞以鼓天下之動無宏議以植朝廷之綱掛名忝與於
判花嫉惡但思於去草粵稽元祐嘗用蜀珍咸惟蘓軾
范百祿之賢能繳李定張誠一之惡自愧寒鄉之晚進
敢攀前哲之高風比還二凶之詞荷垂九陛之聽然而
厯時滋永久假不歸縱未致於煩言亦弗寧於方寸正
欲露章而控免豈期帶職以超遷既升武監之華仍正
詞垣之直雖軍旅之事未之學尚能閱戎器之精粗以
帝王之制舉而行恐難稱皇猷之潤色寧專農馬之智

敢冒熊魚之兼

回鄭錢二舍人書

歐陽修

顯奉制恩陞華禁掖誕膺聖選式協興談朝廷之體尊
嚴王者之居淵默德澤宣布必使入人心之深號令發
揮而能鼓天下之動惟是代言之任實資博古之英伏
惟某官履行敦方材猷敏茂藹一鄉之佳譽掩衆俊以
名科通達古今固已優游於儒學出入侍從是宜顧問
於清閒果被僉俞竝司典訓竦萬方之視聽追三代之

文章遂陞榮塗益奮賢業共慶得人之盛方深竊抃之
私遽辱謙撫特貽誨翰感銘之素敷奏奚殫

回諫院吳舍人書

歐陽修

光奉制恩入司書命得人為盛興頌同欣伏惟某官器
稟純明道探淵蘊清名峻望獨映於一時碩學高文素
推於羣彥果被上心之簡進膺寵命之華紅藥翻階直
禁垣之清切紫荷持橐擁法從以雍容文章追三代之
風號令警四方之聽允歸鴻筆增重本朝顧惟衰朽之

退藏方與縉紳而竊抃豈期謙眷特枉誨函感服之私
敦言罔既

回李舍人書

歐陽修

顯膺寵命入直禁垣臺閣得賢縉紳共慶舍人器涵閎
遠德蘊純深講仁義之淵源極天水之精稔備言語侍
從之列承清閒顧問之榮時望蔚然輿談久屬果被上
心之簡進司書命之嚴惟帝制之坦明必訓辭之深厚
金相玉振煥三代之文章雷動風行警四方之耳目遂

金匱要略卷之七
歸鴻筆增重本朝顧惟衰病之餘敢辱眷勤之貺遽先
惠問益認撫謙感服欣愉敷陳罔既

中書門下省官壁記

洪邁

兩省之官十有二唐制也今散騎常侍缺繇諫大夫而
下別為諫院同門而異戶唯給事中中書舍人左右起
居實同省其員亦十有二渡江以來蓋損三之一然亦
未嘗備也給舍以法從為職凡紫微黃門之政無論小
大實書之實行之其未遑者得以告而還之兩起居日

侍殿上備顧問皆名一時清切要官然去來姓名不謹
於掌故四十年間已泮散不可考邁兄弟前後四入省
舉致意焉邁去右史五年而復至乃竟成之獨建炎年
時為不整敘或失其所來及所去官姑存之合為百七
十有五人其重至三至者二十有五人今廊廟五公皆
從吾省十青雲而直上異時莫盛焉權官不書獨記南
陽公所以尊宰相重吾省也題名成又請浙東相公大
隸表其上乾道三年二月二十五日記

古詩

題舍人古意

徐彥伯

巢君綠梧樹舞君青瑣闥或言鳳池環禁林仙閣霧沉沉璇題激流日珠綴綿清陰郁穆帝言重煢煌台座深鳳張丹朶翮月弄紫庭音

律詩

賀李舍人

亡名

拜命大西垣偏承聖主恩黃扉陪漢制彩筆代堯言

綸閣有感

司空圖

風濤曾阻化鱗來誰料蓬瀛路却開
欲去遲遲還自笑
狂才應不是仙才

送崔舍人

裴度

赤墀同拜紫泥封四牡連徵侍九重
唯有白鬚張司馬
不言名利尚相從

早入中書

錢珙

不意雲霄能自致空驚鴛鴦忽相隨
臘雪新晴栢子殿

春風欲上萬年枝

上徐中書

褚朝陽

中禁仙池越鳳凰池邊詞客紫微郎既能作頌雄風起
何不時吹蘭蕙香

喜楊舍人入翰林

盧肇

御筆親批翰長街夜開金殿送瑤緘平明玉案臨宣室
已見龍光出傅巖

中書宿齋有感

權德輿

銅壺滴漏斗闌干
泛灩金波照露盤
遙想洞房眠正熟
不堪深夜鳳池寒

寄王三十四舍人

司空圖

幾年溪上約同遊
擬為蓮峰別樣樓
今日鳳凰池畔客
五千仞雪不回頭

中書連直

白居易

今年寒食夜
西省鳳池頭
誠知視草貴
未免對花愁

西省即事

岑參

西掖重雲闕禁署北山疎雨點朝衣千門柳色連青瑣
三殿花香入紫微

又

白居易

絲綸閣下文章靜鍾鼓樓中刻漏長獨坐黃昏誰是伴
紫微花對紫微郎

絕句

亡名

紫泥初熟詔書成紅藥翻堦晝影清屋瓦生烟宮漏永
時聞幽鳥自呼名

上李舍人

亡名

西掖深沉大帝居
紫微西省掌文書
天閣啓鑰趨朝後
侍史焚香起草初

和宗人見賀

亡名

分班曉入鸞翔閣
直閣旁連浴鳳池
彩筆閒批五色詔
好風時動萬年枝

東同舍

亡名

太微西掖鳳池邊
西閣凌空為起烟
彩筆時批尺一詔

直廬深在九重天

寄第三閣老兼呈白馮二閣老

韓退之

墻下春渠入禁溝
渠水初破滿渠浮
鳳池近日長先暖
流到池邊更不流

題中書院壁

王介甫

夜開金鑰詔詞臣
對御抽毫草帝綸
須信朝家重儒術
一時同榜用三人

訪沈舍人不遇

趙嘏

溪翁強訪紫微郎
曉鼓聲中滿鬢霜
知在禁闈人不見
好風飄下九天香

賀同年翰林從叔知制誥

李頻

仙禁何人躡舊蹤
孔門先選得真龍
別居雲路拋三省
專掌天書在九重
五色揮毫成渙汗
百寮班下獨從容
芳年貴盛誰為比
鬱鬱青青嶽頂松

朝下寄李舍人

耿緯

侍臣鳴珮出西曹
鸞殿分階翊彩旄
瑞氣迴浮青玉案
日華遙上赤霜袍
花間焰焰雲旗合
鳥外亭亭露掌高
肯念萬年芳樹裏
隨風一葉在蓬蒿

寄制誥李舍人

羅隱

梁王握豹韜
雪裏見枚臯
上客超丹陛
遊人歎二毛
門閒知待詔
星動想濡毫
一首長楊賦
應嫌索價高

鄭州獻從叔舍人

李商隱

蓬岳煙霞閣
苑鍾三官戕
奏附金龍茅
君奕世仙曹貴

許掾全家道氣濃
絳簡尚參黃紙案
丹爐猶用紫泥封
不知他日華陽洞
許上經樓第幾重

周程九早入中書

錢起

漢家賢相重英奇
蟠木何材也見知
不意雲霄能自致
空驚鵲鷲忽相隨
臘雪初明柏子殿
春光欲上萬年枝
獨慚皇鑒明如日
未厭螢光向玉墀

贈闕下裴舍人

二月黃鶯飛上林
春城紫禁曉陰陰
長樂鍾聲花外盡

龍池柳色雨中深
陽和不散窮途恨
霄漢常懸捧日心
獻賦十年猶未遇
羞將白髮對華簪

獻中書湯舍人

李中

慶雲呈瑞為明時
演暢絲綸在紫微
鑾殿對時親舜日
鯉庭過處着萊衣
閒尋竹寺聽啼鳥
吟倚江樓戀落暉
隅座銀屏看是設
一門清貴古今稀

上翰林蕭舍人

溫庭筠

人間鷺鷥香難從
獨恨金扉直九重
萬象晚歸仁壽鏡

百花春隔景陽鍾
紫微芒動詞初出
紅臘香殘話未封
每過朱門愛庭樹
一枝何日許相容

上裴度舍人

王建

小松相對鳳池開
履迹衣香逼上台
天意皆從彩毫出
宸心盡向紫烟來
非時玉案呈宣旨
每日金階謝賜回
仙侶何因記名姓
縣丞頭白走塵埃

奉和賈至舍人早朝大明宮

岑參

鷄鳴紫陌曙光寒
鶯囀皇州春色闌
金瑣曉鍾開萬戶
玉階仙仗擁千官
花迎劍佩星初落
柳拂旌旗露未乾
獨有鳳凰池上客
陽春一曲和皆難

直中書省

謝玄暉

紫殿肅陰陰
彤庭赫弘敞
風動萬年枝
日華承露掌
玲瓏結綺錢
深沉映朱網
紅藥當階翻
蒼苔依砌上
茲言翔鳳池
鳴珮多清響

和祖擇之登紫微閣二首

王介甫

漠漠秋陰護掖垣青雲只在兩楹間宮樓唱罷雞人遠
門闕朝歸虎士閒華蓋北瞻天帝座蓬萊東想道家山
却慙久此隨諸彥文采初無豹一班


掖門相對敞銅鑲轍轍飛夢在兩間潤色平生知地禁
登臨此日愧身閒浮雲倒影移窓隙落木回飈動屋山
忽憶初來秋尚早紫微花點綠苔班

上西垣舍人

王介甫

共說才高世所珍諸賢誰敢望光塵討論潤色今為美

學問文章老更醇賦擬相如真復似詩看子建的應親
仍聞悟主言多直許史家兒往往嗔



古今事文類聚遺集卷七